

EFNISYFIRLIT

Pingskjal nr. 1 Fjárhagsáætlun 2024	2
Pingskjal nr. 2 Þakkartillögur	4
Pingskjal nr. 3 Hvatningartillögur.....	5
Pingskjal nr. 4 Áskorun til stjórnvalda	6
Pingskjal nr. 5 Allir með!	7
Pingskjal nr. 6 Íslenskar Getraunir	8
Pingskjal nr. 7 Endurskoðunarfélag.....	9
Pingskjal nr. 8 Árgjald.....	10
Pingskjal nr. 9 Íþróttahéruð.....	11
Pingskjal nr. 10 Reglugerð um lottó og lottóúthlutanir.....	12
Pingskjal nr. 11 Söluandvirði Sigtúns 42	14
Pingskjal nr. 12 Þrastaskógur	19
Pingskjal nr. 13 Skráningakerfi	20
Pingskjal nr. 14 Heilsuefling eldri borgara.....	21

ÞINGSKJAL NR. 1

FJÁRHAGSÁÆTLUN 2024
TILLAGA FRÁ STJÓRN UMFÍ

53. Sambandsþing UMFÍ haldið á Hótel Geysi í Haukadal 20.-22. október 2023, samþykkir fjárhagsáætlun UMFÍ 2024.

Heildaryfirlit um rekstur 2024

	Áætlun 2024	Áætlun 2023	Raun 2022
Rekstrartekjur:			
Ríkisframlag	133.522.000	129.000.000	132.200.000
Lottó og getraunir	306.000.000	268.000.000	358.133.349
Aðrar tekjur	244.542.250	292.891.000	229.775.458
Söluhagnaður fasteignar	0	0	161.036.140
	<u>684.064.250</u>	<u>689.891.000</u>	<u>881.144.947</u>
Rekstrargjöld:			
Laun og launatengd gjöld	203.361.591	211.053.514	166.313.720
Lottó til sambandsaðila	237.000.000	208.560.000	278.185.346
Annar rekstrarkostnaður	215.731.333	245.219.985	281.785.417
Veittir styrkir	26.700.000	20.300.000	27.774.210
Afskriftir	1.200.000	1.200.000	1.620.500
	<u>683.992.925</u>	<u>686.333.499</u>	<u>755.679.193</u>
Rekstrarniðurstaða án fjármagnsliða:	71.325	3.557.501	125.465.754
Fjármunatekjur og (fjármagnsgjöld):			
Fjármagnstekjur	9.500.000	9.260.000	12.413.463
Fjármagnsgjöld	-1.200.000	-1.200.000	-899.870
	<u>8.300.000</u>	<u>8.060.000</u>	<u>11.513.593</u>
Rekstrarniðurstaða ársins:	<u>8.371.325</u>	<u>11.617.501</u>	<u>136.979.347</u>

Heildaryfirlit um áætlaðan rekstur 2024

	Heild	Aðalsjóður	Skólabúðir á Reykjum	Mótahald	Fræðslu- og verkefnasjóður	Umhverfissjóður
Rekstrartekjur:						
Ríkisframlag	133.522.000	126.322.000		7.200.000		
Lottó og getraunir	306.000.000	285.000.000			21.000.000	
Aðrar tekjur	244.542.250	28.475.000	192.617.250	22.250.000		1.200.000
	<u>684.064.250</u>	<u>439.797.000</u>	<u>192.617.250</u>	<u>29.450.000</u>	<u>21.000.000</u>	<u>1.200.000</u>
Rekstrargjöld:						
Laun og launatengd gjöld	203.361.591	111.356.634	84.804.958	7.200.000		
Lottó til sambandsaðila	237.000.000	237.000.000				
Annar rekstrarkostnaður	215.731.333	84.252.144	104.204.189	26.800.000	450.000	25.000
Veittir styrkir	26.700.000	5.700.000			20.000.000	1.000.000
Afskriftir	1.200.000	1.200.000				
	<u>683.992.925</u>	<u>439.508.778</u>	<u>189.009.147</u>	<u>34.000.000</u>	<u>20.450.000</u>	<u>1.025.000</u>
Rekstramiðurstaða án fjármagnsliða:	71.325	288.222	3.608.103	-4.550.000	550.000	175.000
Fjármunatekjur og (fjármagnsgjöld):						
Fjármagnstekjur	9.500.000	9.000.000			350.000	150.000
Fjármagnsgjöld	-1.200.000	-1.200.000				
	<u>8.300.000</u>	<u>7.800.000</u>			<u>350.000</u>	<u>150.000</u>
Rekstramiðurstaða ársins:	<u>8.371.325</u>	<u>8.088.222</u>	<u>3.608.103</u>	<u>-4.550.000</u>	<u>900.000</u>	<u>325.000</u>

ÞINGSKJAL NR. 2**ÞAKKARTILLÖGUR
TILLAGA FRÁ STJÓRN UMFÍ**

53. Sambandsþing UMFÍ haldið á Hótel Geysi í Haukadal 20.-22. október 2023, samþykkir að fela stjórn UMFÍ að senda eftirfarandi aðilum þakkir:

- Forseta Íslands, Guðna Th. Jóhannessyni, verndara hreyfingarinnar, þakkir fyrir stuðning við UMFÍ á liðnum árum og sérstaklega fyrir verkefni forsetahlaup og forvarnardag Forseta Íslands.
- Ráðherra mennta- og barnamála, ríkisstjórn og Alþingi, þakkir fyrir stuðning við UMFÍ á liðnum árum og vekja athygli á því mikilvæga íþrótta- og æskulýðsstarfi sem unnið er á vegum hreyfingarinnar.
- Ásmundi Einari Daðasyni, mennta- og barnamálaráðherra, Guðmundi Inga Guðbrandssyni, félags- og vinnumarkaðsráðherra, Willum Þór Þórssyni heilbrigðisráðherra ásamt starfsfólki þessara ráðuneyta, ÍSÍ og ÍF þakkir fyrir stuðning við samstarfsverkefni ÍSÍ, UMFÍ og ÍF; farsælt samfélag fyrir öll, brúum bilið.
- Íþrótta- og Ólympíusambandi Íslands, stjórn og starfsfólki, þakkir fyrir gott samstarf á árinu og vel unnin störf. Sérstakar þakkir eru veittar fyrir góðar móttökur í nýjum höfuðstöðvum UMFÍ að Engjavegi. Þá hvetur Sambandsþing UMFÍ til áframhaldandi aukins samstarfs á komandi árum.
- Stjórn og starfsfólki Íslenskrar Getspár og getrauna, þakkir fyrir góð störf, úthlutanir sem og aukaúthlutanir frá fyrirtækjunum til eignaraðila.
- Fulltrúum UMSS og sveitarfélagsins Skagafjarðar, þakkir fyrir góð störf í undirbúningsnefnd fyrir Unglingalandsmót UMFÍ 2023.
- Fulltrúum HSH og sveitarfélagsins Stykkishólms, þakkir fyrir góð störf í undirbúningsnefnd fyrir landsmót UMFÍ 50+.
- Fulltrúum HHF og ungmennafélagsins Aftureldingar, þakkir fyrir góð störf í undirbúningi íþróttaveislu UMFÍ 2023; forsetahlaupi og drulluhlaupi.
- Æskulýðsvettvangnum og þeim samtökum sem mynda samstarfsvettvanginn; Bandalagi íslenskra skáta, KFUM&K, Slysavarnarfélaginu Landsbjörg, þakkir fyrir vel unnin störf, góða samvinnu og hvatningu til áframhaldandi góðra verka.
- Samskiptaráðgjafa íþrótta- og æskulýðsstarfs, þakkir fyrir gott samstarf á árinu og hvatningu til þess að halda áfram vinnu um samræmingu viðbragðsáætla.

ÞINGSKJAL NR. 3**HVATNINGARTILLÖGUR
TILLAGA FRÁ STJÓRN UMFÍ**

53. Sambandsþing UMFÍ haldið á Hótel Geysi í Haukadal 20.-22. október 2023, samþykkir að fela stjórn UMFÍ að senda eftirfarandi til sambandsaðila:

- Hvetja sambandsaðila til að mæta á 25. Unglingalandsmót UMFÍ í Borgarnesi 2024.
- Hvetja sambandsaðila til að mæta á 13. Landsmót UMFÍ 50+ í Vogum á Vatnsleysuströnd 2024.
- Hvetja sambandsaðila til að nýta sér þá möguleika sem eru i boði á vegum Rannís (Erasmus) til að efla starfið á sínu svæði.
- Hvetja sambandsaðila til að kynna sér Æskulýðsvettvanginn og nýta sér þau verkefni sem hann hefur upp á að bjóða.
- Hvetja sambandsaðila til að kynna sér starfsemi samskiptaráðgjafa fyrir íþrótta- og æskulýðsstarf og þá sérstaklega samræmda viðbragðsáætlun fyrir íþrótta- og æskulýðsstarf.

ÞINGSKJAL NR. 4**ÁSKORUN TIL STJÓRNVALDA****TILLAGA FRÁ STJÓRN UMFÍ**

53. Sambandsþing UMFÍ haldið á Hótel Geysi í Haukadal 20.-22. október 2023, samþykkir að skora á stjórnvöld, ríki og sveitarfélög að efla íþrótt- og æskulýðsstarf með því að efla íþróttahéruð og nýta betur krafta íþrótt- og ungmennafélagshreyfingarinnar til lýðheilsuverkefna á landsvísu.

ÞINGSKJAL NR. 5

ALLIR MEÐ

FARSÆLT SAMFÉLAG FYRIR ÖLL, BRÚUM BILIÐ

TILLAGA FRÁ STJÓRN UMFÍ

53. Sambandsþing UMFÍ haldið á Hótel Geysi í Haukadal 20.-22. Október 2023, samþykkir að hvetja íþrótta- og ungmennafélagshreyfinguna auk sveitarfélaga, til markviss samstarfs um verkefnið „Allir með, Farsælt samfélag fyrir öll - brúum bilið”, sem miðar að því að efla íþróttaástundun fatlaðs fólks, ekki síst fatlaðra barna og ungmenna.

**ÍSLENSKAR GETRAUNIR
TILLAGA FRÁ STJÓRN UMFÍ**

53. Sambandsþing UMFÍ haldið á Hótel Geysi í Haukadal 20.-22. október 2023, samþykkir að skora á stjórnvöld og ríkisstjórn að grípa til aðgerða til að loka á auglýsingar og starfsemi erlendra spilafyrirtækja sem ekki hafa leyfi til starfsemi hér á landi.

GREINARGERÐ:

Fjöldi erlendra spilafyrirtækja starfar hér á landi og auglýsir starfsemi sína. Slík starfsemi er ólögleg. Erlend spilafyrirtæki leggja ekkert til samfélagsins og bera engar samfélagslegar skyldur. Íslenskar rannsóknir sýna að spilun hjá erlendum spilafyrirtækjum hefur marktæk tengsl við spilavanda og spilafíkn. Tölur frá SÁÁ sýna að fjölgun er í hópi ungra drengja sem leita sér aðstoðar vegna spilavanda og spilafíknar sem tilkominn er vegna spilunnar hjá erlendum spilafyrirtækjum. Ísland er eina ríkið í Evrópu þar sem ekkert eftirlit er haft með erlendum veðmálasíðum. Því þarf að breyta áður en illa fer.

Íslenskar getraunir eru í eigu íþróttahreyfingarinnar og er eina fyrirtækið á Íslandi sem hefur starfsleyfi frá íslenskum stjórnvöldum til að reka íþróttagetraunir. Ágóði af rekstri Íslenskra getrauna rennur allur til aðildarfélaga ÍSÍ og UMFÍ. Á hinn bóginn fer ágóði erlendra spilafyrirtækja allur úr landi og talið er að þær upphæðir skipti milljörðum króna á ári hverju.

ÞINGSKJAL NR. 7**ENDURSKOÐUNARFÉLAG
TILLAGA FRÁ STJÓRN UMFÍ**

53. Sambandsþing UMFÍ haldið á Hótel Geysi í Haukadal 20.-22. október 2023, samþykkir að BDO ehf. sjái um endurskoðun UMFÍ fyrir árið 2023.

GREINARGERÐ:

Tillagan er lögð fram í samræmi við 9.grein laga UMFÍ þar sem kveðið er á um að á meðal verkefna þings sé að kjósa endurskoðunarfélag samtakanna.

ÞINGSKJAL NR. 8**ÁRGJALD
TILLAGA FRÁ STJÓRN UMFÍ**

53. Sambandsþing UMFÍ haldið á Hótel Geysi í Haukadal 20.-22. október 2023, samþykkir að innheimta ekki árgjald af skattskyldum félögum árið 2023.

GREINARGERÐ:

Tillagan er lögð fram í samræmi við 7. grein laga UMFÍ þar sem kveðið er á um að meðal verkefna þings sé að ákveða árgjald sambandaðila og aðildarfélaga.

ÞINGSKJAL NR. 9**ÍÞRÓTTAHÉRUÐ
TILLAGA FRÁ STJÓRN UMFÍ**

53. Sambandsþing UMFÍ haldið á Hótel Geysi í Haukadal 20.-22. október 2023, samþykkir að UMFÍ, í samráði við ÍSÍ og íþróttahéruðin, vinni að því að setja á laggirnar 8 starfssvæði um landið, til stuðnings íþróttahéruðum landsins. Verkefnið feli hvorki í sér breytingu á lýðræðislegri skiptingu íþróttahéraða né breytingar á atkvæðaskiptingu á þingum ÍSÍ og UMFÍ. Skilyrði fyrir slíkum starfssvæðum er að hægt verði að tryggja fjárstuðning frá ríkinu til verkefnisins, með hliðsjón af svæðisskiptum verkefnum ríkisins sem falla vel með verkefnum og skyldum íþróttahreyfingarinnar.

REGLUGERÐ UM LOTTÓ OG LOTTÓÚTHLUTANIR
TILLAGA FRÁ STJÓRN UMFÍ

53. Sambandsþing UMFÍ haldið á Hótel Geysi í Haukadal 20.-22. október 2023, samþykkir eftirfarandi breytingar á reglugerð um lottóreglur og lottóúthlutanir.

GREINARGERÐ:

Á sambandsþingi UMFÍ 2019 var aðild íþróttabandalaga að UMFÍ samþykkt. Í tengslum við aðildina var samþykkt eftirfarandi breyting á reglugerð um lottó.

VII. Nýir sambandsaðilar. Reglur þessar eiga eingöngu við um þau héraðssambönd, ungmennasambönd og ungmennafélög með beina aðild sem voru aðilar að UMFÍ hinn 31. desember 2018. Aðrir sambandsaðilar að UMFÍ fá ekki úthlutað lottófé frá UMFÍ. Þegar náðst hefur samkomulag um samræmdar reglur um skiptingu lottóágóða sem gildi bæði fyrir sambandaaðila UMFÍ og ÍSÍ, skal breyta reglum þessum til samræmis við það samkomulag en til þess þarf aukinn meirihluta á Sambandsþingi UMFÍ, í samræmi við 16. grein laga UMFÍ.

Á sambandsþingi UMFÍ 2021 var stjórn falið að vinna að sameiginlegum tillögum með ÍSÍ og leggja fram á þingi 2023.

Nefndir á vegum UMFÍ og ÍSÍ hafa í framhaldinu komist að sameiginlegri niðurstöðu og lagt fram tillögur að sambærilegum úthlutunarreglum ÍSÍ og UMFÍ til íþróttahéraða.

Reglur UMFÍ um lottó og lottóúthlutanir sem hér eru lagðar fram breytingar á eru í samræmi við bókunina á þingi UMFÍ 2023. Tillagan hefur verið lögð fram og samþykkt samhljóða á þingi ÍSÍ sem fram fór í maí 2023.

Tillagan er háð því að það náist samningar á milli UMFÍ, ÍSÍ og stjórnvalda.

LOTTÓREGLUR OG LOTTÓÚTHLUTANIR

I. Skipting lottótekna UMFÍ:

1. 79% til sambandsaðila.
2. 14% til UMFÍ.
3. 7% til Fræðslu- og verkefnasjóðs UMFÍ, úthlutun samkvæmt reglugerð sjóðsins.

II. Skipting lottótekna sambandsaðila UMFÍ:

Hluti sambandsaðila (79%) verði skipt þannig:

15% til reksturs svæðisskrifstofa íþróttahéraða.

85% til íþróttahéraða eftir íbúafjölda 18 ára og yngri 31. desember næstliðins árs.

III. Regla vegna skiptingar til reksturs svæðisskrifstofa íþróttahéraða

Úthlutun á hluta til reksturs svæðisskrifstofa er ekki háð skilyrðum.

IV. Regla vegna skiptingar til sambandsaðila

Skilyrði fyrir úthlutun hvers árs til sambandsaðila er að fulltrúi þeirra hafi mætt á síðastliðið sambandsþing/sambandsráðsfund. Hlutar þeirra sem mæta ekki skerðist og er hlutfall ákvarðað af stjórn UMFÍ og kynnt með fundarboði. Stjórn UMFÍ er einnig heimilt að víkja frá skerðingum vegna mætingar komi upp óvænt og ófyrirséð atvik (t.d. veður eða óhöpp).

Eigi íþróttahérað ekki aðild að UMFÍ skal hlutur þess reiknaður í samræmi við reglurnar um íbúafjölda 18 ára og yngri 31. desember næstliðins árs. Hlutdeild íþróttahéraðsins er deilt út til UMFÍ en áður skal taka tillit til þess að ef innan íþróttahéraðsins sé félag með beina aðild að UMFÍ þá fær viðkomandi félag fjárhæð sem nemur hlutdeild þess af iðkendum 18 ára og yngri innan íþróttahéraðsins skv. nýjustu starfsskýrsluskilum í skilakerfi íþróttahreyfingarinnar.

V. Um úthlutun

Fyrir 15. hvers mánaðar skal úthluta öllum ágóða sem borist hefur fyrir næsta mánuð á undan. Með hverri greiðslu skal fylgja skilagrein sem sýni forsendur fyrir úthlutun.

Fyrirvari

Þessar breytingar taka gildi eftir að samningar nást við ríkisvaldið um að það leggi fram sambærilegan fjárhagslegan stuðning til svæðisskrifstofa íþróttahéraða, m.a. með vísan til farsældarlaga nr. 86/2021. Fram til þess tíma gilda áðurgildandi reglur. Hafi samkomulag milli UMFÍ, ÍSÍ og stjórnvalda ekki náðst fyrir sambandsþing UMFÍ 2025, skal sambandsþing þá taka afstöðu til framhalds málsins.

Samþykkt á 53. Sambandsþingi UMFÍ 2023 í Haukadal.

SÖLUANDVIRÐI SIGTÚNS 42**TILLAGA FRÁ STJÓRN UMFÍ**

53. Sambandsþing UMFÍ haldið á Hótel Geysi í Haukadal 20.-22. október 2023, samþykkir að ráðstafa eftirstöðvum söluandvirðis Sigtúns 42 með stofnun tveggja sjóða; fjárfestingasjóðs og þrautavarasjóðs.

GREINARGERÐ:

Á 52 sambandsþingi UMFÍ á Húsavík 2021 lagði stjórn UMFÍ fram eftirfarandi tillögu sem var samþykkt samhljóða.

52. Sambandsþing UMFÍ haldið á Húsavík 15. – 17. október 2021 heimilar stjórn UMFÍ að selja húseign samtakanna að Sigtúni 42 ef ásættanlegt tilboð berst með vísan til fyrri samþykktar sambandsráðsfundar á Ísafirði þann 20. október 2018. Jafnframt er stjórn heimilað að kaupa nýtt húsnæði sem hentar starfsemi samtakanna. Auk þess er stjórn heimilt að taka á leigu húsnæði þangað til ásættanlegt húsnæði finnst.

Peir fjármunir sem fást fyrir fasteign samtakanna skulu ávaxtaðir með kaupum á ríkisskuldabréfum.

Stjórn UMFÍ er ekki heimilt að ráðstafa söluandvirði Sigtúns 42 til annars en kaupa og endurbóta á framtíðarhúsnæði fyrir starfsemi hreyfingarinnar.

Verði söluandvirði Sigtúns 42 hærra en nemur kaupverði nýs húsnæðis skal ákvörðun um ráðstöfun eftirstöðva tekin á Sambandsþingi eða Sambandsráðsfundi, eftir því hvort kemur fyrr.

Nú hefur fasteignin við Sigtún 42 verið seld og hluti þriðju hæðarinnar að Engjavegi 6 verið tekin á leigu af ÍSÍ. Aðstaðan er öll hin glæsilegasta eftir endurbætur á hæðinni. Leigusamningurinn er til 10 ára með útgönguákvæði eftir 5 ár. Því er það mat stjórnar UMFÍ að húsnæðismál hreyfingarinnar séu nú trygg til skamms og meðallangs tíma og rétt sé að þing ræði ráðstöfun og varðveislu söluandvirðis Sigtúns 42.

Hlutverk Þrautavarasjóðs er að verja UMFÍ fyrir umtalsverðum óvæntum og ófyrirséðum fjárhagslegum áföllum þannig að ekki komi til þess að draga þurfi úr starfsemi félagsins eða taka fé að láni vegna þeirra. Í sjálfu sér er nær ómögulegt að telja upp öll þau tilfelli þar sem reynt gæti á slíkan sjóð. Þó skal hér nefnt eitt dæmi, Í Covid faraldrinum þurfti að loka ungmennabúðum UMFÍ á Laugarvatni og komu engar tekjur inn meðan að samkomutakmarkanir voru í gildi. Engu að síður þurfti að greiða starfsmönnum laun, leigusala þurfti að greiða leigu auk þess sem greiða þurfti fyrir hita og rafmagn í húsnæðinu. Þetta er dæmi um óvænt og ófyrirséð fjárhagslegt áfall. Þrautavarasjóður er eins og fram hefur komið hugsaður til að auka getu UMFÍ til að bregðast við kringumstæðum sem þessum án þess að það bitni á starfseminni eða að skuldsetja þurfi samtökin.

Hlutverk Fjárfestingarsjóðs er að fjárfesta í varanlegum rekstrarfjármunum til hagsbóta fyrir hreyfinguna og eflingar starfsemi UMFÍ. Í sjálfu sér gildir það sama um þennan sjóð að erfitt er að telja upp allar mögulegar sviðsmyndir þar sem hægt væri að nýta fé sjóðsins. Hugur stjórnar UMFÍ, sem leggur fram tillöguna, stendur þó til þess um sé að ræða stærri fjárfestingar s.s. fasteignir.

Í reglugerðum beggja sjóðanna kemur fram að óheimilt er að nýta fé þeirra til annars en fram kemur í 2.gr grein um tilgang þeirra sem og að setja fé þeirra til tryggingar vegna lántöku eða annarra viðskipta UMFÍ.

Fé sjóðanna skal ávaxtað á varfærin hátt. Það skal ávaxtað á sem hagkvæmastan hátt á hverjum tíma, með bankainnistæðu, kaupum á ríkistryggðum verðbréfum eða hlutdeildarskírteinum í verðbréfasjóðum sem samanstanda af ríkistryggðum verðbréfum.

Með þessu fyrirkomulagi er öryggi metið hærra en möguleg ávöxtun. Í báðum tilfellum er lagt til að stjórn annist varðveislu sjóðanna milli þinga. Samhljóða ákvörðun stjórnar þurfi til að ganga megi á fé sjóðanna og skuli stjórn birta rökstuðning fyrir ákvörðun um að ganga á sjóðina í fundargerð.

Þetta fyrirkomulag er fyrst og fremst af praktískum ástæðum. Boða þarf til þings með a.m.k. 6 vikna fyrirvara og það er því bæði tímafrekt og kostnaðarsamt ef boða þyrfti til þings í hvert skipti sem ganga þyrfti á sjóðina. Eins getur það bara tekið of langan tíma ef kalla saman þyrfti þing t.d. ef ganga þyrfti á þrautavarasjóð vegna launagreiðslna starfsmanna.

Hins vegar er skýrt að þing hefur endanlegt vald yfir sjóðunum. Þing getur ákveðið að lækka fé í þrautavarasjóði eða hækka. Stjórn UMFÍ hefur ekki slíkt vald. Þing getur lagt fyrir stjórn að ráðast í tilgreindar fjárfestingar og nýta til þess fé fjárfestingarsjóðs.

Í báðum tilfellum getur þing ákveðið að slíta sjóðunum og í framhaldi ákveðið hvernig því fé sem í þeim kann þá að vera verði ráðstafað.

Stjórn UMFÍ leggur til að í Þrautavarasjóð verði lagðar 75 milljónir kr og í Fjárfestingarsjóð 152 milljónir kr. Tillaga í þrautavarasjóð miðast við kostnað við rekstur UMFÍ í 6 mánuði miðað við fjárhagsárið 2023. Tillaga í fjárfestingarsjóð er söluverð að frádregnu tillagi í þrautavarasjóð og kostnaði við innréttingar á Engjavegi 6.

Með samþykkt þessarar tillögu fellur úr gildi tillaga sú sem samþykkt var á 52. sambandsþingi um ráðstöfun söluandvirðis Sigtúns 42.

Reglugerð um fjárfestingarsjóð UMFÍ

grein.

Heiti sjóðsins, stofnun og varsla

Heiti sjóðsins er Fjárfestingarsjóður UMFÍ. Heimili og varnarþing sjóðsins er þjónustumiðstöð UMFÍ að Engjavegi 6, Reykjavík og er sjóðurinn í vörslu stjórnar UMFÍ.

grein

Tilgangur sjóðsins

Hlutverk sjóðsins er að fjárfesta í varanlegum rekstrarfjármunum til hagsbóta fyrir hreyfinguna og eflingar starfsemi UMFÍ. Óheimilt er að nota fé sjóðsins til annars en fram kemur í þessari grein eða setja fé hans að öllu leyti eða hluta til tryggingar vegna annarra viðskipta UMFÍ og/eða lántöku.

grein

Stofnframlag sjóðsins

Stofnfé sjóðsins er kr. 152.000.000,- ákveðið af sambandsþingi og er það hluti af söluandvirði fasteignar UMFÍ að Sigtúni 42, Reykjavík.

grein

Ávöxtun sjóðsins og reikningsár

Fé sjóðsins skal ávaxtað með hagkvæmum hætti á hverjum tíma, með bankainnistæðu, kaupum á ríkistryggðum verðbréfum eða hlutdeildarskírteinum í verðbréfasjóðum sem samanstanda af ríkistryggðum verðbréfum.

Fjármunum sjóðsins skal haldið aðgreindum frá öðrum fjármunum UMFÍ. Reikningar sjóðsins skulu vera almanaksárið. Reikningar sjóðsins skulu endurskoðaðir af endurskoðanda UMFÍ og birtir með sama hætti og aðrir reikningar UMFÍ.

grein

Sjóðstjórn og skipun hennar

Stjórn UMFÍ eins og hún er skipuð á hverjum tíma fer með varðveislu sjóðsins. Dagleg umsýsla er í höndum framkvæmdastjóra.

grein

Úthlutunarreglur og staða sjóðsins

Stjórn UMFÍ tekur ákvörðun um nýtingu fjármuna sjóðsins sbr. 2. gr. Ákvörðun stjórnar skal vera samþykkt með 2/3 atkvæða. Rökstuðning fyrir ákvörðuninni skal stjórn birta í fundargerð stjórnar.

Stjórn UMFÍ skal árlega gera grein fyrir stöðu sjóðsins á sambandsþingi eða sambandsráðsfundi.

Sambandsþing getur lagt fyrir stjórn að nýta fé sjóðsins að öllu leyti eða að hluta til tilgreindra fjárfestinga.

Sambandsþing tekur ákvörðun um slit sjóðsins og ráðstöfun þeirra fjármuna sem í honum kunna þá að vera. Sambandsþing eitt getur gert breytingar á reglugerð um sjóðinn.

Samþykkt á sambandsþingi UMFÍ 2023,

Geysi, Haukadal

Reglugerð um þrautavarasjóð UMFÍ

1. grein

Heiti sjóðsins, stofnun og varsla

Heiti sjóðsins er Þrautavarasjóður UMFÍ. Heimili og varnarþing sjóðsins er þjónustumiðstöð UMFÍ að Engjavegi 6, Reykjavík og er sjóðurinn í vörslu stjórnar UMFÍ.

grein

Tilgangur sjóðsins

Hlutverk sjóðsins er að verja UMFÍ fyrir umtalsverðum óvæntum og ófyrirséðum fjárhagslegum áföllum þannig að ekki komi til þess að draga þurfi úr starfsemi félagsins eða taka fé að láni vegna þeirra.

Óheimilt er að nota fé sjóðsins til annars en fram kemur í þessari grein eða setja fé hans að öllu leyti eða hluta til tryggingar vegna annarra viðskipta UMFÍ og/eða lántöku.

grein

Stofnframlag sjóðsins

Stofnfé sjóðsins er kr. 75.000.000,- ákveðið af sambandsþingi og er það hluti af söluandvirði fasteignar UMFÍ að Sigtúni 42, Reykjavík.

grein

Ávöxtun sjóðsins og reikningsár

Fé sjóðsins skal ávaxtað með hagkvæmum hætti á hverjum tíma, með bankainnistæðu, kaupum á ríkistryggðum verðbréfum eða hlutdeildarskírteinum í verðbréfasjóðum sem samanstanda af ríkistryggðum verðbréfum.

Fjármunum sjóðsins skal haldið aðgreindum frá öðrum fjármunum UMFÍ. Reikningar sjóðsins skulu vera almanaksárið. Reikningar sjóðsins skulu endurskoðaðir af endurskoðanda UMFÍ og birtir með sama hætti og aðrir reikningar UMFÍ.

grein **Sjóðstjórn og skipun hennar**

Stjórn UMFÍ eins og hún er skipuð á hverjum tíma fer með varðveislu sjóðsins. Dagleg umsýsla er í höndum framkvæmdastjóra.

grein **Úthlutunarreglur og staða sjóðsins**

Stjórn UMFÍ tekur ákvörðun um að ganga á sjóðinn sbr. 2. gr. Ákvörðun stjórnar skal vera með 2/3 atkvæða. Rökstuðning fyrir ákvörðuninni skal stjórn birta í fundargerð stjórnar.

Stjórn UMFÍ skal árlega gera grein fyrir stöðu sjóðsins á sambandsþingi eða sambandsráðsfundi.

Einungis á sambandsþingi er hægt að taka ákvörðun um að lækka fjárhæð sjóðsins eða bæta við fjárhæðina. Sambandsþing tekur ákvörðun um slit sjóðsins eða breytingar á reglugerð um sjóðinn.

Samþykkt á sambandsþingi UMFÍ 2023

Geysi, Haukadal

**ÞRASTASKÓGUR
TILLAGA FRÁ STJÓRN HSK**

53. Sambandsþing UMFÍ, haldið á Geysi í Haukadal dagana 20. - 22. október 2023, felur stjórn UMFÍ að rifta rekstrarsamningi dags. 14. mars 2014 um tjaldsvæði í Þrastaskógi og fá fjarlægðar óleyfisframkvæmdir þær sem leigutaki á svæðinu hefur farið í. Einnig að krefjast bóta til lagfæringar á þeim ummerkjum og því tjóni sem hann og starfsemi hans hefur og kann að valda á svæðinu.

GREINARGERÐ:

Þrastaskógur sem Tryggvi Gunnarsson gaf UMFÍ árið 1911 til skógræktar er ein af gróðurperlum landsins, geymir merka sögu skógræktar og sjálfbodastarfsemi ungmennafélaganna í landinu í áratugi. UMFÍ ber að viðhalda Þrastaskógi og gera þessa perlu aðgengilega fyrir útivist og fjölskyldusamveru. Nauðsynlegt er að viðhalda þessari perlu, bæði með grisjun á skóginum sjálfum og einnig að viðhalda og lagfæra útivistarsvæðið fyrir sunnan skóginn.

Stjórn Héraðssambandsins Skarphéðins.

SKRÁNINGARKERFI**TILLAGA FRÁ STJÓRN HSP**

53. Sambandsþing UMFÍ, haldið á Geysi í Haukadal dagana 20. - 22. október 2023, felur stjórn UMFÍ að beita sér fyrir því að innifalið í starfsskýrsluskilum aðildarfélaga verði möguleikinn á því að halda utan um lifandi félagatal íþrótta- og ungmennafélaga með einföldum hætti. Taka samtal við notendur a.m.k. einu sinni á ári

GREINARGERÐ:

„Enginn veit hvað átt hefur fyrr en misst hefur“ .. Nú þegar við höfum sagt skilið við Felix skráningarkerfið finnum við, a.m.k. minni íþrótta- og ungmennafélög, fyrir því að við höfum verið færð tugi ára aftur í tímann varðandi utanumhald félagatals. Áður var hægt að fletta upp í félagatali og uppfæra samtímis, finna núverandi heimilisföng skv. þjóðskrá ásamt fleirum. En nú á tölvuöld, þurfum við að finna aftur gömlu glósubækurnar og skrá nafn, kennitölu og heimilisföng samviskusamlega niður og fletta svo á milli blaðsíða þegar vantar upplýsingar. Þrátt fyrir að núverandi skráningarkerfi, Sportabler, bjóði upp á fjölmarga og frábæra möguleika, þá hentar það ekki allri starfsemi auk þess sem það kostar lítil félög einfaldlega of mikið að greiða grunngjaldið fyrir það eitt að geta haft rafrænt yfirlit yfir félag. Okkur þætti það eðlilegt að það kostaði ekkert að hafa aðgang að því að halda úti félagatali, og þau félög sem það síðan kjósa geta keypt sér aukna þjónustu Sportabler, eða annarra aðila varðandi t.d. utanumhald iðkenda líkt og margir nýta sér í dag með Sportabler organiser og sportabler shop

Stjórn HSP

HEILSUEFLING ELDRI BORGARA
TILLAGA FRÁ STJÓRN UMSK

53. Sambandsþing UMFÍ, haldið á Geysi í Haukadal dagana 20. - 22. október 2023, skorar á sveitarfélög að styðja myndarlega við heilsueflingu eldri borgara í samstarfi við íþróttahreyfinguna og nýta þá þekkingu sem er til staðar þar. Hreyfing eldri borgara er mikilvægur þáttur í baráttunni fyrir bættri heilsu og því mikilvægt að vel sé að honum staðið.